



UNIVERSITÄTS-
BIBLIOTHEK
PADERBORN

**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1845

CXXIII. Notariatsinstrument über den Herzog dieses Prozesses, vom 5. Mai
1337.

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

quardum in possessionem ipsius cappelle reduimus corporalem nomine suo et dominorum suorum predictorum, adhibitis quoad hoc sollempnitatibus debitis et consuetis. In quorum etc. Acta sunt hec Magdeburgi et in Hildinghefburch, anno mense die et horis prenotatis, presentibus testibus supra scriptis. Et ego Johannes de Aken clericus Magdeburgensis dyoecesis publicus auctoritate Imperiali notarius etc.

CXXIII. Notariatsinstrument über den Hergang dieses Prozesses, vom 5. Mai 1337.

— Pridem venerabilis in christo pater ac dominus noster dominus Otto, Sancte Magdeburgensis ecclesie archiepiscopus nobis officiali curie Magdeburgensis causam, que vertebatur inter ipsum suumque Capitulum et ecclesiam magdeburgensem parte ex vna et honorabiles viros Decanum et Capitulum ecclesie Stendalgenfis — parte ex altera, super Capella dicta hildinghefburch eiusdem magdeburgensis dyoecesis et jure patronatus ipsius presentibus honorabilibus viris dominis Ludowico de honsten Thezaurario halberstadenfis et Gherlaco de honueltz canonico magdeburgensis ecclesiarum consencientibus etiam et presentibus ibidem, scilicet in castro wolmerstede, dominis Johanne Suntra Canonico Magdeburgensis, inuestito ad dictam Capellam per eundem dominum Archiepiscopum et procuratore ac Syndico ipsius domini Archiepiscopi, — et marquardo de Bardeleue, canonico Stendalgenfis ecclesiarum predictarum, procuratore et Syndico decani et capituli ecclesie Stendalgenfis predictorum, oraculo viue vocis commisit audiendam et sine debito terminandam —. Comparentibus itaque in iudicio coram nobis procuratoribus et Syndicis antedictis dictus Johannes petitionem seu libellum pro se et procuratorio nomine quo supra obtulit hujus tenoris: Coram vobis honorabili viro domino officiali curie Magdeburgensis Judice quoad causam Infra-scriptam specialiter electo et deputato, dicit et in jure proponit Johannes de Suntra, canonicus ecclesie Magdeburgensis et rector cappelle in hildinghefburch, pro se et procuratorio nomine pro parte venerabilis in christo patris domini Ottonis archiepiscopi capituli et ecclesie Magdeburgensis, contra honorabiles viros decanum et capitulum ecclesie Stendalgenfis halberstadenfis dyoecesis, Quod licet cappella de hildinghefburch Magdeburgensis dyoecesis constituta sit sub dominio et districtu ac Jurisdictione temporali domini sui archiepiscopi magdeburgensis ipsaque Cappella et ejus prouisso ac dispositio ad Archiepiscopum magdeburgensem, qui est pro tempore, pertinuerit et pertineat pleno jure, tamen honorabiles viri decanus et capitulum ecclesie Stendalgenfis predicti falso asserentes ipsam Cappellam cum suis fructibus et pertinentiis incorporatam esse decanatu ecclesie sue et annexam, de eadem temere se intromiserunt et intromittunt fructusque ipsius et redditus perceperunt et percipere nituntur, ipsum Johannem grauiter impediendo, quominus dictam capellam sibi canonice collatam per reuerendum in christo patrem dominum Ottonem Archiepiscopum Magdeburgensem cum suis redditibus et pertinentiis valeat pacifice possidere. Petit igitur dictus Johannes pro se et procuratorio nomine — per vos condemnari et compelli prefatos Decanum et capitulum ad satisfactionem injurie predictae cum expensis, dampnis et interesse ac fructibus perceptis et qui percipi poterunt, necnon prohiberi et compelli per censuram ecclesiasticam, ut ab inquietatione et perturbatione prefata desistant: offert etiam se in facto consistencia legitime probaturum. — Deinde vero dominus marquardus, procurator et Syndicus predictorum dominorum decani et capituli ecclesie Stendalgenfis similiter in continenti petitionem obtulit in hec verba. Coram vobis honorabili viro domino Officiali curie magdeburgensis Judice quoad causam

infra scriptam specialiter electo et deputato dicit et in iure proponit contra honorab. virum dominum Johannem de Suntra, Canonicum ecclesie magdeburgensis, marquardus de Bardeleue, canonicus Stendalg. halberstadensis dyoecesis procurator pro se et procuratorio nomine — Quod licet Capella de hildinghesburch, magd. dyoecesis, sit et fuerit ab antiquis retroactis temporibus decanatus et ecclesie predictae incorporata canonice et annexa, cum omnibus redditibus et pertinentiis et ab eodem Decano, qui fuit et est pro tempore, per ydoneum sacerdotem officari et regi debet et debebat, Dicitque Decanus et Capitulum fuit et fuerunt in plena et pacifica possessione uel quasi huiusmodi iuris a tempore, cujus contrarii memoria non existit, Archiepiscopis, qui fuerunt pro tempore, Decano et Capitulo magdeb. ecclesie predictae scientibus, patientibus et non contradicentibus vsque in diem presentem; Tamen venerab. in christo pater dominus Otto, Archiepiscopus magd. ecclesie supradictae, honorab. viro domino Johanni de Suntra predicto de prefata capella prouidit de facto ipsumque inuestiuit et in possessionem mitti fecit corporalem, premisis non obstantibus, in graue prejudicium predictorum dominorum decani capituli et ecclesie dampnum et iacturam. Quare petit dictus procurator pro se et procuratorio nomine — Quatinus, cum vobis constiterit de premisis, per vestram diffinitiuam sententiam pronuncietis et decernatis, predictam incorporationem et possessionem esse et fuisse canonicam, dictam quoque collationem inuestituram et possessionem factam et assignatam memorato domino Johanni esse et fuisse inuvalidam, Ipsique — perpetuum silentium inponendo etc. — Demum supradictis procuratoribus coram nobis in iudicio constitutis — sententiam diffinitiuam per nos ferri postularunt in causa prelibata. Nos igitur officialis antedictus pro tribunali sedentes visis et examinatis productis et probatis communicato iurisperitorum consilio et prehabita deliberatione matura, — in ea, que vidimus et cognouimus — sentenciando — pronunciamus —, capellam de hildinghesburch supradictam ad prefatos decanum et Capitulum ecclesie Stendalg. cum omnibus suis fructibus iuribus et obuentionibus pertinuisse et pertinere debere eidemque decanatus Stendalg. rite et canonice incorporatam esse. Lata est hec sententia Magdeburg. in domo habitationis nostre anno domini M^o CCC^o XXX septimo, quinta die mensis maii, hora tertia, presentibus venerab. in christo patre domino hinrico abbate in Nyenburch, domino herdeghone milite, magistro philippo de Duderstad auctoritate Imperiali publico notario, Johanne de aken notario nostro infra scripto et Demere famulo testibus ad hoc vocatis specialiter et rogatis.

CXXIV. Der Erzbischof Otto von Magdeburg bekennt, daß das Patronat über die Kapelle zu Hildagesburg dem Dechanten zu Stendal zuerkannt sey, am 6. Mai 1337.

Nos Otto, dei gratia Sancte Magdeb. ecclesie Archiepiscopus, — quia dudum facta commissione per nos oraculo viue vocis honorab. viro officiali curie nostre de consensu parcium in causa, que vertebatur inter nos et Capitulum ecclesie nostre ac Johannem de Sunter, canonicum ecclesie nostre, inuestitum de capella in hildinghesburch nostre dyoecesis parte ex vna, et honorab. viros decanum et Capitulum ecclesie Stendalgensis halberstadensis dyoecesis parte ex altera, super iure patronatus ejusdem capelle; Idem Officialis vocatis procuratoribus dictorum parcium et ordine iuris obseruato per suam diffinitiuam sententiam pronunciauit et declarauit, predictam cappellam in hildinghesburch ad decanum et Capitulum Stendalgensis ecclesie supradictae pertinuisse et pertinere debere, ipsique decanatus cum suis iuribus et obuentionibus esse et fuisse annexam et incorporatam cano-